

კთხანარი საუხრელთუი თუკა საფისრელთუი

ფასი 50 თეთრი №18 22 - 29 მაისი 2017 წელი გამოდის სამშაბათობით

**რა შედეგი
გამოიღო ა(ა)იპების
გაერთიანებამ და
რა კონკრეტული
საფუძველი ედო ამ
სამსახურების
დაშლა-ანყობას**

33. 3

**სად გაქრა
დანელიას
ბიუსტი?**

33. 3

**ფოთში
ტუპერკულოზის
ექსლიარის
ფორმა გავრცელდა**

33. 4

**ყოფილი უშიშროების
შენობა
შესაკლაველია
დანგრევას
გადაურჩენ**

33. 5

**ფოთი სართავორისო
ფოლკლორის საბავშვო
ფესტივალ „კავკასია
2017“-ს უმასპინძლებს**

33. 2

**მანანა
ლომაძე:
„ბედნიერი ვარ,
როცა პასიენტი
ქარბად ხდება,,**

33. 6

**ვის ინტერესებს შეენირა
სანიგროსო სკოლის
ღირებვორი ფრილონ ბირკაია?
პოლიტიკური დავნა თუ მხოლოდ მიზანი**



ივაბა პაქორია
ფოთი

ფოთში პოლიტიკური ნიშნით სამსახურიდან დათხოვნები გრძელდება. ამჯერად ადგილობრივ ხელისუფლებას პოლიტიკურ დევნაში სანიგროსო სკოლის უკვე ყოფილი დირექტორი ფრილონ ბირკაია აღანაშაულებს. ხელისუფლებაში მოსვლიდან რამდენიმე თვეში ხვეწს გაზეთთან ინტერვიუში ქალაქის მერმა ირაკლი კაკულიამ აღნიშნა - „ქალაქში ვერავინ იტყვის, რომ პარტიული ნიშნით ვინმეს დევნა გამოუვცხადე, ან დაპირისპირებაში ვარ ოპოზიციასთან“. როგორც ბოლო დროს განვითარებული ფაქტები „ირწმუნე-

ფოთის სანიგროსო სკოლის ყოფილი დირექტორი ფრილონ ბირკაია

ბიან“, ქალაქის პირველი პირის დანაპირები სიმართლეს არ შეესაბამება. ყოველ შემთხვევაში ამას ამბობენ ის ადამიანები, რომლებიც ოპოზიციურ პარტიებს უჭერენ მხარს და სამსახურიდან, მათი აზრით, უმიზეზოდ დაითხოვეს.

სამაგიეროდ, პოლიტიკური ნიშნით გათავისუფლებას კატეგორიულად გამორიცხავს სასპორტო საგანმანათლებლო დაწესებულებათა გაერთიანების უფროსი ხეიჩა ცხვიტარია: „ყველა მენეჯერი გამოსაცდელი ვადით მყავდა დანიშნული, ბირკაიამ ვერ გაიარა ეს ვადა“. არადა ბირკაია წლებია, აღნიშნულ სკოლას ხელმძღვანე-

დასასრული 4-33.

**საქართველოს
საგაზაფხულო
პირველობა აკადემიურ
ნიგროსოებაში**

33. 7

**რეგიონალური
პირველობების
ნილისყრა**

33. 7

**ფოთელი ხელბურთელები
- პერსხლის პრიზიორები**

33. 7

**რეგიონალური
პირველობა
გეზრბენში**

33. 7

გამომცემელი და
დირექტორი,
მთავარი რედაქტორი
ინგა გვასალია -
599 341 417;
ingagvasalia@gmail.com

რედაქტორი
ივეტა პაჭკორია -
597 97 76 18

კორექტორი:
მაია ჩხეიძე
551 522 429-
კორესპონდენტები:

მარიამ ჯავახია -
579 24 11 22


ქეთი ჩხეიძე
(ფოტო)
598 40 10 23

ივეტა პაჭკორია
(ხობი)
568 61 04 41
გამოქვეყნებული

მასალის შინაარსი
შეიძლება არ
ემთხვეოდეს
რედაქციის
თვალსაზრისს. სტა-
ტიის ავტორები თავ-
ად აგებენ პასუხს
ინფორმაციის
სიზუსტეზე.
რედაქციაში აუდიო
მასალები ინახება
ორი კვირის
განმავლობაში, ამ
ვადის გასვლის
შემდეგ პრეტენზიები
არ მიიღება.
ბამოქმეცნეული

მასალების
ბალანსი
რედაქციის
ნებართვით
ბარეში
აპრტაქტულია.

ერთი ამერიკული
დოლარის ოფიცია-
ლური ღირებულება
2.5311 ლარი გახდა.
ეროვნული ბანკის
მიერ გამოქვეყნებუ-
ლი ლარის ოფიცია-
ლური გაცვლითი
კურსის მიხედვით,
ეროვნული ვალუტა
დოლართან მიმართუ-
ლაში გაუფასურდა.
ხვალიდან, ერთი დო-
ლარის ოფიციალური



ფასი 2.5311 ლარი
გახდება. კურსი, რო-
მელიც დღეს მოქმე-
დებდა, 2.5078 ლარს
შეადგენდა. შესაბამი-
სად, ლარის ოფიცია-
ლური გაცვლითი
კურსის ცვლილებამ
0.0233 ლარი შეად-
გინა.
ეროვნული ვალუ-
ტის კურსი ევროს-
თან მიმართება-
შიც გაუფასურდა.
კერძოდ, ხვალიდან
ერთი ევროს შეძენა
2.6825 ლარად იქნება
შესაძლებელი, მაშინ,
როცა დღეს მოქმედი
კურსი 2.6670 ლარს
შეადგენდა. შესაბამი-
სად, ლარის ოფიცია-
ლური გაცვლითი
კურსის ცვლილებამ
ევროსთან მიმარ-
თებაში 0.0155 ლარი
შეადგინა.

ფოთი საერთაშორისო ფოლკლორის საბავშვო ფესტივალ „კავკასია 2017“-ს უმასპინძლებს

ფოთი საერთაშორისო ფოლკლორის საბავშვო და ახალგაზრდული ფესტივალის „კავკასია 2017“-ის ერთ-ერთი მასპინძელია. აღნიშნულ ფესტივალში საქართველოს სხვადასხვა ქორეოგრაფიულ ანსამბლთან ერთად ლატვიის, უკრაინის, აზერბაიჯანის, თურქეთის, ისრაელის, რუსეთისა და სომხეთის ანსამბლები იღებენ მონაწილეობას. ფესტივალში 2 ივლისს ქალაქ ფოთში საზეიმოდ გაიხსნება.

აღნიშნულ ფესტივალთან დაკავშირებით, ფოთის მუნიციპალიტეტის ვიცე-მერი ლევან ჩოჩია და მერის მოადგილე ნიკოლოზ გრიგოლია საქართველოს ქორეოგრაფთა კავშირის თავმჯდომარის მოადგილეს კახაბერ მარკოიშვილს, პასუხისმგებელ მდივანს - მურმან გამისონიას და ქორეოგრაფთა კავშირის ფოთის ორგანიზაციის თავმჯდომარეს გიგლა თურქიას შეხვედრენ და საორგანიზაციო საკითხები განიხილეს.

„ მოხარული ვარ, რომ ჩვენი ქალაქი კიდევ ერთ საერთაშორისო ფესტივალს მასპინძლობს. მინდა მადლობა გადავუხადო ფესტივალის ორგანიზატორებს, ქორეოგრაფთა კავშირის თავმჯდომარეს, ბატონ რეზო ჭანიშვილს და ფესტივალის ყველა მონაწილეს“- განაცხადა შეხვედრისას ქალაქის ვიცე-მერმა ლევან ჩოჩიამ.

საერთაშორისო ფოლკლორის საბავშვო და ახალგაზრდული ფესტივალი „კავკასია 2017“ საქართველოს ქორეოგრაფიის მოღვაწეთა შემოქმედებითი კავშირის და საქართველოს პროფესიულ-კულტურულ საგანმანათლებლო დაწესებულებების შემოქმედებითი კავშირის ორგანიზებით იმართება.

ქალაქში არ მოღვაწეობენ, ფინანსური მხარდაჭერითა და მუნიციპალიტეტის ორგანოებისა და კოლხეთის ეროვნული პარკის ადმინისტრაციის ჩართულობით, ფოთში, მალთაყვის უბანში, გამწვანების აქცია ჩატარდა. დაირგო 15 ძირი კიპარისის, 70 პავლოვნისა და 130 უზბეკური თუთის ნერგი. მსგავსი ტიპის აქცია აღნიშნულმა ორგანიზაციამ გასულ წელსაც განახორციელა. გამწვანების აქცია სოციალურ გვერდზე დაანონსდა. შესაბამისად, აქციას მოხალისეებიც შეუერთდნენ.



აბაშაში მარტში 399 ბენეფიციარმა 72 794 ლარის დახმარება მიიღო

აბაშის მუნიციპალიტეტის გამგეობამ სოციალური პროგრამებით მარტის თვეში 399 ბენეფიციარს დახმარება გაუწია - ამის შესახებ ინფორმაციას აბაშის გამგეობა ავრცელებს.

გამგეობის ინფორმაციით, მოსახლეობის სამედიცინო მომსახურების დახმარების პროგრამით 66 ბენეფიციარზე 34344 ლარი დადიადიხის პროგრამაში მონაწილე ავადმყოფთა მკურნალობის მხარდაჭერის პროგრამით (ყოველთვიური დახმარებით) 7 ბენეფიციარზე -1050 ლარი გაიცა.

დახმარება გაუწია მრავალშვილიან ოჯახებს და ომის ვეტერანებსაც. მრავალშვილიან 266 ოჯახზე (3 და მეტი შვილი 0-დან 18 წლის ასაკამდე) 26 600 ლარი, მე 3 და მეტი ახალშობილი მრავალშვილიანი ოჯახების დახმარების პროგრამით, 4 ოჯახზე - 1200 ლარი;

34 ბენეფიციარზე 5100 ლარი გაიცა ომის მონაწილე ვეტერანების დახმარების პროგრამით, ხოლო ომის მონაწილე გარდაცვლილ ვეტერანთა ოჯახების დახმარების პროგრამით - 2 ოჯახზე 500 ლარი და გარდაცვლილ იძულებით გადაადგილებულ პირთა ოჯახების დახმარების პროგრამით - 1 ოჯახზე 200 ლარი. დახმარებები გაიცა ასევე შშმ პირებზე და სამედიცინო პროგრამების შესაბამისად. შეკვეთად გამოხატული შშმ (I ჯგუფი) პირების დახმარების პროგრამით - 16 ბენეფიციარზე 3200 ლარი, შეზღუდული შესაძლებლობის მქონე ბავშვების დახმარების პროგრამით - 3 ოჯახზე 600 ლარი დაიხარჯა.

მარტის თვეში გაწეული დახმარების ჯამურმა ოდენობამ 72 794 ლარი შეადგინა.



ფოთში კუნძულის სანაპირო ზოლის გადავით საუბრაობი იწყება

ფოთში კუნძულის სანაპირო ზოლზე განსახორციელებელ ნაპირსამაგრი სამუშაოებთან დაკავშირებით, ქალაქის მერიის ირაკლი ხახუბია, ფოთის მერი ირაკლი კაკულია, საკრებულოს თავმჯდომარე ალექსანდრე თოფური და გუბერნატორის მოადგილე დავით კოღუა საქართველოს მუნიციპალური განვითარების ფონდის პროექტების მენეჯერს რევაზ ვიგილაშვილს შეხვედრენ და განიხილეს ყველა ის საკითხი, რაც ამ პროექტის განხორციელებისთვის არის საჭირო.

შეხვედრაზე აღინიშნა, რომ საქართველოს მუნიციპალური განვითარების ფონდმა, გარემოს დაცვის სამინისტროსა და გარემოს ეროვნულ სააგენტოსთან ერთად მუშაობის შედეგად შავი ზღვის სანაპიროზე მოიძია ის უბნები, რომლებიც ყველაზე მეტად განიცდიან ეროზიას და მათგან შეირჩა ფოთი.

შეხვედრა მოეწყო ასევე საქართველოს ეკონომიკისა და მდგრადი განვითარების სამინისტროს სახელმწიფო ჰიდროგრაფიულ სამსახურში, დაათვალიერეს კუნძულის უბნის სანაპირო ზოლი და ადგილზე გაეცნენ ტექნიკურ საკითხებს (ზღვის სიღრმე, სიგანე). შეირჩა ადგილები, სადაც სამუშაოების დაწყებამდე უნდა განთავსდეს ტალღმტეხი ნაგებობები (ტეტრაპოდები), რომლითაც ზღვის სანაპიროს გამაგრება მოხდება.

პროექტის მიხედვით, კუნძულის უბანში, 2 კმ-მდე სიგრძის სანაპირო ზოლზე ნაპირსამაგრი სამუშაოები განხორციელდება, სადაც 8000 ცალი ტეტრაპოდი განთავსდება.



ფოთში, ახალი რაიონის დასახლებაში, საბავშვო ბაღის მშენებლობა იწყება

ამ თემასთან დაკავშირებით ქალაქის მერიის ირაკლი ხახუბია, ფოთის მერი ირაკლი კაკულია სამხრეთ კავკასიაში ლტოლვილთა დანიის საბჭოს წარმომადგენლობის დირექტორს - ვინსენტ დონტოს შეხვდა და საბავშვო ბაღის მშენებლობისა და წყებისა და მასთან დაკავშირებული ტექნიკური საკითხები განიხილა.

ახალი სკოლამდელი-სააღმზრდელი დაწესებულების მშენებლობისთვის შეირჩა ტერიტორია და სამუშაოები უახლოეს პერიოდში დაიწყება.

ბაღის მშენებლობისთვის 210 000 ევროა გამოყოფილი. შენობა თანამედროვე სტანდარტების გათვალისწინებით აღიჭურვება, მოეწყობა ეზო. ახალი საბავშვო ბაღის მშენებლობა დანიის ლტოლვილთა საბჭოს მხარდაჭერით ხორციელდება.

ახალ რაიონში ბავშვბაღის მშენებლობა მოსახლეობის თხოვნის გათვალისწინებით გადაწყდა.



რა შედეგი გამოიღო ა(ა)იპების გაერთიანებამ და რა კონკრეტული საფუძველი ედო ამ სამსახურების დასა-ანყობას

ინაზა პაპორია ფოთი

ადგილობრივი ხელისუფლების მიერ ჩატარებულმა სამსახურების რეორგანიზაცია-აქტივობამ რამდენიმე ადამიანის თანამდებობა შეიწირა და სამსახურის გარეშე დატოვა. ფოთის მუნიციპალიტეტის მერის მიერ განხორციელებული რეორგანიზაციის შედეგად, ფოთის მუნიციპალიტეტის 2016 წლის 8 დეკემბრის განკარგულებით შეიქმნა ორი სამსახური – ერთი სახელოვნებო ცენტრი, რომელშიც გაერთიანდა ხუთი სუბიექტი; ოტია ჯაიანის სახელობის სამხატვრო სკოლა, მოსწავლე ახალგაზრდობის შემოქმედებითი ცენტრი, სახელოვნებო სასწავლო ცენტრი, საგამოფენო დარბაზი და ფოთის ცენტრი და მეორე სასპორტო საგანმანათლებლო დაწესებულებათა გაერთიანება, რომელშიც 11 სასპორტო ა(ა)იპი გაერთიანდა. სამსახურების რეორგანიზაცია, გაერთიანება და შემდეგ დაშლა არაერთხელ მომხდარა ფოთის რეალობაში. რეორგანიზაციის ავტორების თქმით, გაერთიანების მიზნები, როგორც ადრე, ახლაც გაბერული შტატებია. თუმცა, ბოლო გაერთიანებებმა გვანჩვენა, რომ შტატები უმნიშვნელოდ შემცირდა, ხოლო იმ სამსახურების უფროსებს, რომლებიც თანამშრომლების გათავი-

სუფლებას არ დათანხმდნენ, თანამშრომლებისათვის ხელფასის დაკლება მოუწიათ. რეორგანიზაციის შედეგად სპორტული თუ სახელოვნებო სკოლის დირექტორებს, რომლებიც ახლა მენეჯერის სტატუსს ატარებენ, მიეცათ 3 თვიანი გამოსაცდელი ვადა. 3 თვის თავზე ეს ვადა მხოლოდ ნიხოსნობის სკოლის დირექტორის ფრიდონ ბირკაიასათვის ამოიწურა. ოფიციალურად მას დარღვევები აღმოუჩინეს, ხოლო როგორც ამბობენ, ბირკაიას თანამდებობა ნაციონალური მოძრაობის მიმართ სიმპათიას შეეწირა. ბირკაიას გარდა შემცირება შეეხო სპორტული ა(ა)იპების 17 თანამშრომელს. შემცირება ბუღალტრების რაოდენობა და ის ერთი საერთო ბუღალტრით განისაზღვრა. ასევე შემცირდა საქმის მწარმოებლების თანამდებობები და გაუქმდა მოადგილეების შტატები. სასპორტო საგანმანათლებლო დაწესებულებათა გაერთიანების უფროს ზვინა ცხვიტარიას განმარტებით, დღეისათვის სასპორტო გაერთიანებაში 147 თანამშრომელია, მათ შორის 13 კადრი ახლად შექმნილი გაერთიანების ადმინისტრაციის თანამშრომელია. რაც შეეხება ხელფასებს, ცხვიტარიასავე განმარტებით, არ შეცვლილა. ჩვენი გაზეთის უფროსებზე არაერთხელ გაშუქდა სპორტული სკოლების გაერთი-



სახელოვნებო ხანძრის ღირსშესანიშნაობა ინა პაპორია

ნების შესახებ, რომელსაც სკოლების დირექტორები ეჭვის თვალით უყურებდნენ და არ ეთანხმებოდნენ ამ გაერთიანების იდეას. ცხვიტარიას განმარტებით კი: „არც ერთი სკოლის ყოფილი დირექტორი განაწევრებული არ არის, ვინც 30 თვეზე მეტხანს მუშაობდა, ყველას გადაეფუნა ერთი თვის კომპენსაცია. შეგვიმცირდა სამიველი და სხვა ხარჯები, წელს შარშანდელთან შედარებით

255 ლარითაა შემცირებული დაფინანსება, შარშან 930 000 ლარი იყო, წელს კი 675 000 ლარია. წელს ძალიან კარგი შედეგები აქვთ სპორტსმენებს და თუ არ დაგვხმარებთ, მომავალ წელს გაგვიჭირდება. თუ ერთ სკოლას შარშან 10 მილიონზე უწევდა, წელს მხოლოდ 5 დაფინანსდება. ჩემთვის პრიორიტეტულია საქართველოს ჩემპიონატი. ასევე პრესტიჟული საერთაშორისო ფესტივალები,

სხვადასხვა შეჯიბრებებზე წასვლის სურვილის შემთხვევაში, შემოიღია მათ მხოლოდ მგზავრობა დაუფინანსო, დანარჩენს მშობლები აფინანსებენ. სხვანაირად არაფერი გამოიძევა.“ ცხვიტარია უმნიშვნელოვანეს მოვლენად სასპორტო გაერთიანების ერთიან ინვენტარიზაციას მიიხსენებს. როგორც ამბობს, ეს საკითხი უნდა

დასასრული 5- 33.

სად გაქრა დანელიას ბიუსტი?

ინაზა პაპორია ფოთი

მეორე სამამულო ომის გმირის ამირან დანელიას ოჯახი მერიას გულგრილობაში ადანაშაულებს და გმირის ბიუსტის დაბრუნებას ითხოვს მისივე სახელობის ქუჩაზე. ამირან დანელია მეორე სამამულო ომის ერთადერთი გმირია, რომელიც მალთაყვის გმირთა მემორიალშია დაკრძალული. დანელიას ბიუსტი რამდენიმე წლის წინ ქუჩის რეაბილიტაციის დროს აიღეს რესტავრაციის მიზნით. როდესაც ოჯახის წევრებმა მოიკითხეს, ტენდერში გამარჯვებული კომპანიის წარმომადგენლებმა, რომლებიც ქუჩის რეაბილიტაციას ახდენდნენ, განუმარტეს, რომ ბიუსტი სარესტავრაციოდაა გაგზავნილი და სამუშაოების დასრულების შემდეგ ძველ

ადგილზე დააბრუნებდნენ. სამუშაოები უკვე კარგა ხანია დასრულდა, მაგრამ ბიუსტი აღარ დაუბრუნებია და ოჯახმა მას ვერსად მიაკვლია. ოჯახის წევრებმა ქალაქის მერთანაც სცადეს შეხვედრა, მაგრამ ვერ მოახერხეს. ამირან დანელიას ქალიშვილი ნუნუ დანელია იმის დასამტკიცებლად, რომ მამამისი ნამდვილად გმირი იყო წიგნებს, გაზეთებსა და მოწმობებს გვანჩვენებს: „მერთან შეხვედრაზე მივედი, მიღება საკრებულოს სააქტო დარბაზში იყო. ჩემს გარდა ძალიან ბევრი ადამიანი იყო, მერის ნაცვლად სხვები დაგვხვდნენ, მე არ ვიცნობ მათ და არც ვიცი, ვინ იყვნენ. გვეთხრეს, მერი არ არის, პრობლემა ჩვენ გვითხარით და მერს გადავცემთო. ერთ-ერთმა გმირის წიგნაკზე მკითხა, ეს რა წიგნაკიაო. არ

ვიცი, გადასცეს თუ არა მერს ჩემი მისვლის მიზანი, მაგრამ არაფერი არ ვაკეთებულა. სადაც დაგდებული ექნებათ ბიუსტი და ვერ პოულობენ ალბათ. ისიც კი თქვეს, დანელიას ქუჩის დასაწყისში დადგამთო. იქ ვის უნდა დაუდგან? ქალაქის ცენტრში იდგა და მოანგრიეს ყური ბიუსტს და იქ საერთოდ რას უზამენ. მამაჩემი 17 წლის იყო, ომში რომ წაიყვანეს. დღეს არავის უნდა რუსეთი და საბჭოთა კავშირი, მაგრამ მაშინ ვინ გუკითხებოდა, რა გინდოდა? ანდა, განა მარტო საბჭოთა კავშირი იბრძოდა ფაშისმიწის წინააღმდეგ, მთელი მსოფლიო გახლდათ გაერთიანებული. მამაჩემი სადაც იყო, პირველი იყო, გმირი გახლდათ და იქ ასახვლა თავისი ქვეყანა და ქალაქი.“ დანელიას მეორე ქალიშვილი, მარინა დანელიაც ადგილობრივ ხელისუფლებას გულგრილობაში ადანაშაულებს: „მართალია, მამა საბჭოთა კავშირის გმირი იყო და ეს სტატუსი დღეს მავანთათვის არაფერს ნიშნავს, ზოგიერთები იმასაც ამბობენ, რას იბრძოდნენ მერეო, მაგრამ ეს ხომ ჩვენი წარსულია. ის ადამიანები განა მარტო საბჭოთა კავშირისთვის იბრძოდნენ. ყველაფერს სწორი აღქმა და ცოდნა სჭირდება - ფაშისმიწი მთელი მსოფლიო-სათვის საშიშროებას წარმოადგენდა და მის წინააღმდეგ იბრძოდა სხვებთან ერთად ჩემი ვაჯკაცი და გმირი მამა. მომავალ თაობებს კი ასე-



თი გმირების პატივსაცემის ძალაც არ შესწევთ, რაც ძალიან სამწუხაროა, წარსულის გარეშე არ არსებობს მომავალი და არ შეიძლება წარსულის წაშლა. ადგილობრივი ხელისუფლება კი როგორ შეიძლება თავისი მოქალაქეების მიმართ ასეთი გულგრილი იყოს?“ დანელიას ბიუსტი ცნობილმა მოქანდაკემ ოტია ჯაიანმა გააკეთა.

სად გაქრა ბიუსტი და რა ბედი ედოს სამომავლოდ, ამის საკითხავად ქალაქის მერს ახლა ჩვენც მივაკითხეთ, ირაკლი კაკულია ამ

საკითხით დაინტერესებას და გარკვევას დაგვიპირდა და გვეთხრა, რომ ამის შემდეგ გაგვემლა პასუხს. იგივე საკითხით მერის მოადგილე ნიკა გრიგოლიასაც მივმართეთ და ისიც ამ საკითხით დაინტერესებას დაგვიპირდა. რამდენი ხანი დაჭირდება მათთვის საკითხის გარკვევას, ჩვენთვის გაურკვეველია და შესაბამისად, უცნობია ბიუსტის ადგილმდებარეობა და მისი მომავალი ადგილი. მეორე მსოფლიო ომის გმირის ოჯახის წევრები კი კითხვაზე სად არის ბიუსტი? პასუხის გაცემას ითხოვენ.

ვის ინტერესებს შენიჩრა სანიტროსო სკოლის ღირებულონი ფრილონი ბირკაია? პოლიტიკური დავა თუ მხოლოდ მიზანი?

დასაწყისი პირველი გეგმა

ლობს და მანამდეც რაიმე სახის პრეტენზიას ადგილი არ ქონია. ახლა კი ცხვიტორია ამბობს, რომ „იმ სკოლაში გარკვეულ დარღვევებს ქონდა ადგილი“. თავის მხრივ ბირკაიას უკვირს, რა დარღვევებზე საუბარია: „სამ თვეში რა დარღვევა ნახეს, არ ვიცი. 6 პირველი და 6 მეორე ადგილი რომ მოვიტანე, ეს იყო ვითომ დარღვევა? ან 5 ბავშვი საქართველოს ნაკრებში რომ ყავს ამ სკოლას, იქნებ ესაა დარღვევა?“.

როგორც ფრილონი ბირკაიასთან საუბრისას გაირკვა, დაპირისპირება მის მერე დაიწყო, როცა ნინოსნობის ფედერაციამ ფოთში რამდენიმე დღის წინ ღონისძიება ჩაატარა: „ჩემი მოვალეობა იყო, მომეზადებინა ბავშვები. როგორც კი წერილი ჩამომივიდა, გავუზახე გაერთიანების უფროსს ცხვიტორიას ეს წერილი. პირველი წერილი დაიკარგა და მეორედ გადავუზახე. შეჯიბრების დღეს კი მითხრა, რატომ არ შემატებინო. ვუთხარი, ხომ გამოგზავნეთ მოწვევა, კალენდარი და მონაწილეთა სია მეთქი. უნდა დაგერეკათ და ასე შენთან ვერ ვიმუშაებო. როგორც ჩანს ეს ჩამითვალეს დარღვევად. როდესაც წერილი მიიღეს, მათ უნდა დაერეკათ ფედერაციაში. მე რა შუაში ვიყავი ან რა ვიცოდი, ფედერაციას იჩნე სულ არ უნდოდა მერის დასწრება, ეს არ იყო ჩემი გადასაწყვეტი. დამსახურებული მუშაკი ვარ და სამთვინი გამოსაცდელი ვადა მომცეს. რა მაქვს ამათი გამოსაცდელი? გაცემული ვარ. მე უფრო პოლიტიკური საფუძველი დავინახე. როდესაც ქალაქის მერს შევხვდი, მითხრა, აბსურდული რამ, თურმე მე ვყოფილვარ ნაციონალური პარტიის წევრი. რაზეც ვუპასუხე, რომ არ ყოფილა კარგად ინფორმირებული. წამოვედი მერიიდან და გათავისუფლების ბრძანებაც უკან მომაცილეს. არ ვიცი, როდის ვიყავი ნაციონალურ პარტიაში, არც არასდროს ვყოფილვარ, ისიც არ ვიცი, ასეთი მიდგომა რას

ნიშნავს. მაშინ რა განსხვავებაა ამათსა და ნაციონალურ შორის, ისინიც ჩვენებულ და სხვისებულ ყოფილენ ქართველებს“.

მიუხედავად გათავისუფლებისა ბირკაია ისევ აგრძელებს მწვრთნელად მუშაობას: „მე ხელფასი არ მაქვს და ისე ვავარჯიშებ ბავშვებს, ვერ მივატოვებ მათ შუა გზაში. წინ საერთაშორისო შეჯიბრებებია, მსოფლიოსა და ევროპის ჩემპიონატებისათვის გამზადებიან, თუ არ ვავარჯიშებ, ჩათვალეთ, ყველა სახლში წავა“.

ჩვენს გაზეთს აბაშიდან დაუკავშირდა სანიტროსო სკოლის ყოფილი მწვრთნელი, გონა სიმონია და გვთხოვა მისი პოზიცია გაგვექსპლანეტინა: „როგორც ვაგივე ფრილონი ბირკაია გაუთავისუფლებიათ დაკავებული თანამდებობიდან. ქალაქის მერს ირაკლი კაკულიას კი ფრილონისთვის უთქვამს ნაციონალი ხარ, ზონდერი გყოლია სამსახურში, რომელიც იმიტომ დაინვალიდა, რომ 2007 წლის 7 ნოემბრის აქციაზე გაგიშვიაო. როგორ შეიძლება ასეთი სიბინძურე თქვა ადამიანმა. არასოდეს არცერთ პარტიაში არ ვყოფილვარ. ვმუშაობდი ჩემთვის. მართალია, იმ დღეს თბილისში ვიყავით, მაგრამ იმ ეპიცენტრთან ახლოსაც არ ვყოფილვარ. ჩვენ ვიყავით დილოში. ნაციონალურმა პარტიამ ერთი დღი ავტობუსი წაგვიყვანეს მხიარული სტარტების საგულშემატკივროდ. არც ერთი ფოთელი არ წასურდა აქციაზე. ამას მთელი პასუხისმგებლობით ვცხადებ. სპორტდარბაზს არ ვავცდენილვართ. არც არავის ვავუშვივართ“.

რაც შეეხება ტრამპს, სიმონიას დიაგნოზია დურალური მალფორმაცია, მე-11, მე-12 მალის დონეზე სისხლძარღვების შევიწროება. სიმონიას ფეხის ტკივილი 2007 წლის აგვისტოში თვეში დაეწყო და არასრული მკურნალობის გამო 2009 წლის შემოდგომაზე ეტლში აღმოჩნდა. მისთვის გაუგებარია, მის თბილისში წასვლას რა კავშირი აქვს ბირკაიასთან: „თითქოს ბირკაიამ გამიშვა დასარბევად მიტინგზე, ეს არის მტკნარი სიცრუე და ყურით მოთრეული ბრალდება რაღაც მიზეზის გამო. მაინტერესებს, ვინ მოიგონა ასეთი ტყუილი? ჩემი მდგომარეობიდან გამომდინარე, ვერ ჩავალ ფოთში, ამიტომ მოუწოდებ ვინც ეს სიცრუე ვავარჯიშებ, ბოდიში მოიხადოს“.

ბირკაიას გათავისუფლებასთან დაკავშირებით ჩვენთან მისმა კოლეგებმაც არაოფიციალურად ისაუბრეს, რომლებმაც არ ისურვეს მათი ვინაობის დასახელება. მათი თქმით რთულ დროში სწორედ ბირკაიამ შეინახა აღნიშნული სკოლა და მისი დამსახურებაა რომ სკოლა აქამდე ფუნქციონირებს გამართულად. კოლეგების მტკიცებით ბირკაიას ეს ყველაფერი მოუწვევს და დიდი ხანია მისი მოსხნა სურდათ. „როგორც ამ ყველაფრიდან ჩანს დაპირისპირება არა აღნიშნული ღონისძიებიდან იწყება, არამედ უფრო შორი წარსულიდან. ღონისძიება მხოლოდ მიზეზი იყო, სხვა ვერაფერი უპოვეს სერიოზუ-



სანიტროსო სკოლის ბაზა ვაჟოვში

ელი დარღვევა“.

როგორც ზემოთ აღვნიშნეთ ფრილონი ბირკაია წლებია ნინოსნობის სკოლას უდგას სათავეში, ჩვენს გაზეთსაც ამ სკოლის სპორტსმენების არაერთი წარმატება გაუშუქებია წლების განმავლობაში. ასევე არაერთხელ შევხებოვართ სკოლაში არსებულ პრობლემებსაც. წლების წინ თუ როგორ წართვეს სკოლას სანიტროსო ბაზა და როგორ აღმოჩნდნენ ღია ცის ქვეშ ერთი ვაგონის ამარა, სადაც დღესაც იმყოფებიან. აღნიშნულ ვაგონს იყენებენ როგორც გასახდელად ასევე ნაგებობის სადგომად. სწორედ ასეთ რთულ პირობებში უწევდათ მწვრთნელებსა და სპორტსმენებს ვარჯიში. მიუხედავად ამისა შედეგებს მაინც აღწევდნენ და სწორედ ვე იყო დასაფასებელი. მის მერე არაერთი ხელისუფლება გამოიცვალა ქალაქმა, მაგრამ სკოლა დღესაც ამ პრობლემის წინაშე დგას. უფრო მეტიც, დაახლოებით წელიწადნახევრის წინ, სანიტროსო კომპლექსური სასპორტო სკოლისათვის ბაზის აშენების სურვილი ნინოსნობის ფედერაციის ვივე პრეზიდენტმა, ბიზნესმენმა ვახტანგ ალანიაამ გამოთქვა, მაგრამ მის ამ ინი-

ციტიციას საკრებულოში წინააღმდეგობით შეხვდნენ. მიწა, სადაც დღეს რკინის კონტეინერია განთავსებული ადგილობრივმა აღმასრულებელმა ხელისუფლებამ სკოლას არ გადასცა, რომელიც შემდეგ ბიზნესმენის სხვა დაინტერესებით ახსნეს. (2015 წლის №18 გაზეთი). ამ საკითხის გარჩევისას საკრებულოს ზოგიერთ წევრსა და სანიტროსო სკოლის წარმომადგენლებს შორის სიტყვიერი დაპირისპირებაც მომხდარა, უფრო მეტიც საქმე ხელნართულ ბრძოლადაც მისულა. რამდენიმე დღეშივე ისევ საკრებულოს სხვა დანარჩენი წევრების ჩარევის შედეგად სიტუაცია განელეგებულა. სამაგიეროდ, ქალაქს ამ დაპირისპირებით ინვესტორი დაუკარგავს. საქმე იმაში გახლავთ, რომ სადაც ალანია აპირებდა ბაზის მშენებლობის დაწყებას და ამისთვის ითხოვდა მიწის გადმოცემას, იქვე გვერდით ვახაზი ინვესტორი გეგმავდა სასტუმროს მშენებლობას, მაგრამ ბაზის მშენებლობაზე უარის თქმის გამო უცხოელმაც უარი განაცხადა და როგორც მაშინ ჩვენთვის გახდა ცნობილი ინვესტიციები ქუთაისში დააბანდა.

ფოთში ტუპერკულოზის ექსლიარის ფორმა გავრცელდა

მარი ჯაჟანიანი ფოთი

საქართველოში და მათ შორის ფოთში ტუპერკულოზის ექსლიარის ფორმა გავრცელდა. რაც საგანგაშო ფონს ქმნის.

ტუპერკულოზი საუკუნეების მანძილზე უპოვართა სნეულეზად მიიჩნეოდა. თუმცა დღეს დაავადება სოციალურ ფონზე არ არის დამოკიდებული. გასული საუკუნის 70-80-იან წლებში დაავადება, პრაქტიკულად, დამარცხებულად მიიჩნეოდა, მაგრამ 20-25 წლის შემდეგ იგი უფრო აგრესიული, გაძლიერებული და ტუბსაწინააღმდეგო პრეპარატებისადმი მდგრადი ფორმით დაუბრუნდა კაცობრიობას. ჯანდაცვის მსოფლიო ორგანი-

ზაციის მონაცემებით: ამ პათოლოგიით მსოფლიოში ყოველწლიურად 8,5 მილიონი ადამიანი ავადდება და 2,7-3 მილიონი იღუპება. ამათგან 100 ათასამდე ბავშვი და არასრულწლოვანია. ყოველ 10 წაში ტუპერკულოზით ერთი ადამიანი კვდება. დედამიწის ყოველი შესაძლო ადამიანი ატარებს ტუპერკულოზის ჩხირს. არც ერთი სხვა ინფექციით იმდენი ხალხი არ იღუპება, რამდენიც ტუპერკულოზით. ერთი ბაქტერია გამომყოფი საშუალოდ 10-15 ადამიანს გადასცემს ინფექციას. საქართველოში ტუპერკულოზის სიკვდილიანობის მაჩვენებელი 2,5%-ს შეადგენს. ტუპერკულოზის მკურნალობა საქართველო-

ში უფასოა, მიუხედავად ამისა საქართველო მინც რჩება იმ 27 ქვეყნის რიცხვში, სადაც ტუპერკულოზი მძიმე ტვირთად არის აღიარებული. ტუპერკულოზი არ წარმოადგენს რომელიმე ერთი ქვეყნის პრობლემას, იგი მსოფლიო, გლობალური საშიშროებაა.

ფოთის ტუპერკულოზის ცენტრი 1996 წლიდან ჩართულია რეზისტენტული ტუპერკულოზის მკურნალობის პროგრამაში ანუ ემდირ ტუპერკულოზის პროგრამაში. ტუპერკულოზის სახემეცვლილი ფორმის და მასთან ბრძოლის მეთოდებზე მის შესახებ გამეფებულ სტიგმაზე ფოთის ტუპერკულოზის დირექტორი ზენაბ ჩხარხალია გვესაუბრება. „თითქმის გახკურნებული ტუპერკულოზი უკან

დაგვიბრუნდა უკვე სხვა ფორმით. ეს არის რეზისტენტული, მუტირებული ფორმა. მუტაცია განიცადა კოხის ჩხირმა რომელიც ტუპერკულოზს იწვევს. რეზისტენტული ფორმით დაბრუნებული ტუპერკულოზისათვის არ გვქონდა მედიკამენტები და არც ბაზა გვქონდა. ამიტომ შეიქმნა სახელმწიფო ეროვნული პროგრამა. ტუპერკულოზის სახეცვლილების ფაქტორი არის ძალიან მნიშვნელოვანი, ფილტვი არ ტკივთ, ფილტვს ისე შეჭამს ტუპერკულოზი რომ ვერ იგრძნობს ადამიანი. როდესაც ადამიანი ავადდება და ის გეგულობს ამის შესახებ არ უგრძობილდება არც საკუთარ თავს და არც გარშემომყოფებს. ტუპერკულოზი არის პაერვუტოვანი დაავადება და ის შეიძლება და-

ავადებულ ადამიანთან საუბრისას გადაგდოს. საუბრის დროს მილიონობით ჩხირი გამოიყოფა და გადადის ერთი ადამიანიდან მეორეში. საშიშია ასევე დახურულ სივრცეში, როდესაც ფანჯრებია დახურული. გასანიავებლად ყველაზე ეფექტური საშუალება რომელიც იყო ადრე და ახლაც ასეა, არის მზის სხივები. ჩვენი უბედურება არის ის რომ არსებობს სტიგმა, რაც ჩვენს რეალობაში არსებობს“.

ჩხარხალიას განმარტებით რეზისტენტული ტუპერკულოზის განვითარების ხელისშემწყობი პირობებია, როდესაც პაციენტი არ მკურნალობს ბოლომდე, ასევე არასწორი მკურნალობა და სოციალური ფონი, რადგან ამ დავადებას განსაკუთრებუ-

ყოფილი უშიშროების შენობა შესაძლებელია დანგრევენს გადაურჩეს

მარი ჯაფარიძე

გასული საუკუნის დასაწყისში ფოთს, ნავსადგურის მიმდებარე ტერიტორიაზე, მოდერნის სტილში, წითელი აგურითა და კირქვით ნაშენი შენობა შეემატა. ის 1901-1910 წლებში არქიტექტორ ედმუნდ ფრიკის ავტორიტეტით აშენდა. შენობაში წლების განმავლობაში "სახელმწიფო უშიშროება" იყო განთავსებული. ნაგებობა, რომელიც სხვადასხვა არქიტექტურული დეტალებით, კონფიგურაციებით, დეკორატიული და მხატვრული ელემენტებით ხასიათდება, ნგრევის პირასაა. ჩამოშლილია ფასადი, დანგრეულია კედლების ნაწილი, კიბე, სარკმლები და სახურავი. როგორც ჩვენთვის გახდა ცნობილი საკრებულოს წევრის მაია ჩხარტიშვილის

ინიციატივით კულტურული მემკვიდრეობის სააგენტოში თავდაპირველად მოხდა ინფორმაციის მოძიება ფოთში არსებული კულტურული მემკვიდრეობის ძეგლის სტატუსის მქონე შენობების შესახებ. შემოთავაზებული შენობა დღეს კერძო მესაკუთრის მფლობელობაშია. ხოლო რაც შეეხება ტელევიზიის შენობას, რომელიც ასევე სავალალო მდგომარეობაშია, კულტურული მემკვიდრეობის სააგენტომ თავად ითხოვა დახმარება მესაკუთრის დადგენასთან დაკავშირებით. როგორც გაირკვა ყოფილი უშიშროების შენობა ეკუთვნის კომპანია „ვისოლის“ შვილობილ კომპანიას „ველაჯიოს“. შენობა 2007 წელს გაიყიდა, რამდენიმე თვეში კი 2008 წელს კულ-

ტურული სტატუსი მიენიჭა. შენობა 125 000 ამერიკულ დოლარად იმ პირობით გაიყიდა, რომ მყიდველი 280 000 ლარად გაარემონტებდა ზუგდიდში, ჭითაწყაროში მდებარე სამეგრელო ზემო-სვანეთის სამხარეთოს სამართველოს შენობას. კულტურული მემკვიდრეობის სტატუსის მიანიჭების შემდეგ მფლობელი ვერ ახდენს კომერციული მიზნით მის გამოყენებას, როგორც ირკვევა სტატუსის შემდეგ შენობა მფლობელისთვის საინტერესო არ აღმოჩნდა და მას დანგრევის საშუალებას გამოიხსნა და აძლევს. ჩვენი გაზუთი არაერთხელ შეეხო აღნიშნულ საკითხს.

შენობის რეაბილიტაციასთან დაკავშირებით ადგილობრივი ხელისუფლების წარმომადგენლებს თავიანთი მოსაზრება აქვთ: „ჩვენ არ გვაქვს კერძო საკუთრებაში მქონე შენობების გარემონტების ფუნქცია და არც კანონი გვაძლევს ამის საშუალებას“ იყო მათი პასუხი წლიდან წლამდე. ერთადერთი რასაც ადგილობრივი ხელისუფლებას ვერ დაუკარგავთ წერილებია, რომელიც კულტურული მემკვიდრეობის სააგენტოში აქვთ დაგზავნილი, თუმცა სამწუხაროდ მსვლელობა არ მიცემია. დამოკიდებულება კი ჩხარტიშვილის კულტურული მემკვიდრეობის სააგენტოში ჩასვლის შემდეგ შეიცვალა და „ველაჯიო“ კულტურული ძეგლის არ მოვლის გამო, უფრო სწორედ ხელშეკრულების მუხლის დარღვევისათვის 10 000 ლარით დაჯარიმდა. საკრებულოს სოციალურ საკითხთა კომისიის თავმჯდომარის მაია ჩხარტიშვილის



განმარტებით: „ხელშეკრულებაში ერთ-ერთ მუხლად კომპანია „ველაჯიოს“ აღნიშნული შენობის მოვლა პატრონობა უწერია, ამ მუხლის დარღვევისათვის ის დაჯარიმდა. როდესაც შენობა არ უფლის შენობას და ისტორიული ძეგლი დანგრევის პირასაა, დაინტერესდი რა სადამსჯელო ბერკეტები ქონდა ძეგლთა დაცვის სააგენტოს, მიპასუხეს რომ მართალი ვიყავი და დაჯარიმეს კიდევ: „ველაჯიომ“ ჯარიმა გადაიხდა თუმცა გააპროტესტა სააგენტოს სასამართლოში, სააგენტოს სასამართლომ კი არ მიიღო სარჩელი. „ველაჯიო“ ორივე ინსტანციაში დამნაშავედ წინსვლით ხელშეკრულების მუხლის დარღვევის გამო. გონივრული მეტი მაქვს და არა მარტო მე. არამედ ჩემს კოლეგებსაც, რომ სახურავის განადგურება მოხდა იმიტომ, რომ შენობა რაც შეიძლება მალე დანგრეულიყო. ჩემთვის

და ფოთლებისათვის ეს შენობა ძალიან ძვირფასია და უნდა გამოჩინდეს რაიმე გზა მის გადასარჩენად“. ჩხარტიშვილს ამ საკითხზე დაკავშირებით კულტურის სამინისტროს ძეგლთა დაცვის ინსპექციის დეპარტამენტშიც იმყოფებოდა, სადაც გამოიკვეთა ძეგლის გადარჩენის რამდენიმე გზა, ერთი ამ შემთხვევაში არის მოლაპარაკებების გამართვა მესაკუთრესთან, ამ შემთხვევაში „ველაჯიოს“ ხელმძღვანელ პირებთან და ალტერნატიული ფართის სანაცვლოდ, კულტურული მემკვიდრეობის ძეგლის ქალაქზე გადმოცემა. მეორე შემთხვევაში ქალაქის მწირი ბიუჯეტის მიუხედავად, შენობის გადასურვა და შემდეგ ბრძოლა მისი დაბრუნებისათვის. რომელ ვარიანტზე შეჯერდება ხელისუფლება და შენობის მესაკუთრეები ჯერ-ჯერობით უცნობია. თუმცა პირველი ნაბიჯები შენობის შესანარჩუნებლად უკვე გადაიდგა.



რა შედეგი გამოიღო ა(ა)იპების გაერთიანებამ და რა კონკრეტული საფუძველი ექნა ამ სამსახურების დასაწყობს

დასაწყობი მე-3 აპ.
მოწესრიგდეს: „აღნიშნულები, რა ქონება გააჩნია სასკოლო გაერთიანებას და სპორტულ სკოლებს. უნდა ჩამოიწეროს, რაც ჩამოსაწერია. ადრე ყველაფერი ერთი ქაღალდიდან მეორეში უცვლელად გადადიოდა. ასევე, ორიენტირებული ვარ სპორტსმენებს შეეუქმნათ ელემენტარული პირობები მაინც. დახმარება მაჟორიტარ დეპუტატსაც ვთხოვე. გვინდა, მოვახდინოთ გაზიფიცირება, რომ საშხაპეები გავაკეთოთ, გათბობა უკვე ფუნქციონირებს და ჯერ ამის საშუალება არ გვაქვს. ჩემი პრიორიტეტია, სპორტსმენი იყოს უზრუნველყოფილი მინიმალური პირობებით. მომავალ წელს მეტი დაფინანსების შემთხვევაში, მეტის გაკეთებას შევძლებთ“.

მიუხედავად ცხრა ადამიანის შემცირებისა, განაწილებული თანამშრომლები არ ყავს სახელოვნო ცენტრს. ცენტრის დირექტორი ნინო პაჭკორია როგორც ამბობს: „ა(ა)იპებში ირიცხებოდა 127 თანამშრომელი, რეორგანიზაციის შედეგად დათხოვნილია 5 თანამშრომელი, აქედან ოთხს კომპენსაცია აუნაზღაურდა. ყველა გაგებით მოეკიდა ქალაქის გადაწყვეტილებას, აიპების

ხელმძღვანელებს დირექტორის სტატუსი ქონდათ, რეორგანიზაციის შემდეგ შეეცვალათ სტატუსი და გახდნენ მენეჯერები, მათთან ერთად გავიარეთ კონსულტაციები და ერთად გადავწყვიტეთ, რომელი აიპიდან ვინ წავიდოდა. ფოთკლორის ცენტრიდან არავინ დაგვიტოვებია, 61-ვე თანამშრომელი შევინარჩუნეთ, მოსწავლეთა ცენტრიდან გათავისუფლდა 4 ადამიანი და საგამოფენო დარბაზიდან 1. სახელოვნობო ცენტრის ადმინისტრაციული სამსახურის შექმნის შედეგად დაემატა 9 თანამშრომელი, ამაშია ირიცხება 131 თანამშრომელი“.

პაჭკორიასავე განმარტებით, გაერთიანებას არ გამოუწვევია მუშაობის ხარისხის დაწვევა. პირიქით, ყველა მოტივირებულია საქმის კეთებაზე. ხელფასების კლებასთან დაკავშირებით უკმაყოფილება იყო, მაგრამ რადგანაც რეორგანიზაცია ქვეყნის მასშტაბით გახლდათ გამოცხადებული, ამ საკითხს გაგებით შეხვდნენ აქაური თანამშრომლები. ნაკლები ბიუჯეტით შეიქმნა სახელოვნო ცენტრიც. „ეს მოხდა თანამშრომლების ხელფასების შემცირების ხარჯზე. ძირითადად, სახელოვნო ცენტრის შექმნის

პრინციპია შეიქმნას ახალი შემოქმედებითი წრეები, ახალი ინოვაცია შემოვიტანოთ. 8 მარტის ღონისძიებაზე ქუთაისიდან ჩამოყვანილი გვეყავა პანტომიმის თეატრი, თბილისიდან მარიონეტები. ამ ჩამოყვანასაც თავისი დატვირთვა ჰქონდა, რადგან გუგუშაში გვაქვს, ფოთში გაიხსნას პანტომიმის წრე. უკვე ვაწარმოებთ მოლაპარაკებებს შესაბამის ცენტრებთან. ვცდილობთ, შევქმნათ ახალი წრეები, რათა ახალგაზრდობა დაკავდეს ამ საქმიანობით. ძირითადი პასუხისმგებლობა ეკისრება ცენტრის დირექტორს. ხუთივე მენეჯერი გვერდით მიდგას და მოტივირებულიები არიან, რათა საქმე გაკეთდეს. ჩამოყვანილებისთანავე დარეჯან გვეყვითქმენ ჩაატარა დედა-შვილობის ფესტივალი, ჩვენ ვთხოვა დახმარება და დავედქვით გვერდით. 8 მარტს ჩატარდა კონცერტი მუნიციპალიტეტის მერიის თანადგომით. საგამოფენო დარბაზში გაიმართა ადგილობრივი მხატვრების გამოფენა-გაყიდვა. შემოსული თანხა დაურთავდა ხუთ სოციალურად შეჭირვებულ ადამიანს. ასევე, ჩატარდა ახალგაზრდა მხატვრის ნამუშევრების გამოფენა. ამ სამი თვის განმავლობაში



სასპორტო საგანგანოთა და სპორტის მინისტრის მოადგილე ნინო პაჭკორია

გარკვეული ღონისძიებები ჩავატარეთ. ახლო მომავალში ივანეშვილი თოჯინების თეატრის ჩვენებები ბაღში, სკოლებში. აპრილის თვის ბოლოს კი იროდი ტიკარაძის მიხედვით ღონისძიება ივანეშვილი“.

რა შედეგი გამოიღო ა(ა)იპების გაერთიანებამ და რა კონკრეტული საფუძველი ექნა ამას, ამაზე ვესაუბრეთ მერიის საფინანსო სამსახურის უფროს ვასილ თოდუას: „ორივე გაერთიანებიდან 400 000-მდე ლარი გამოთავისუფლდა, რომელიც მიემართეთ ინფრასტრუქტურული სამუშაოების ჩასატარებლად. შეეხებოდა სახელოვნო ფონდსაც

და გარკვეულწილად, ოპტიმიზაცია გაკეთდა ამ თვალსაზრისით. გარდა რეორგანიზაციიდან გამოთავისუფლებული ფულისა, მოხდა მმართველობის, ოფისისა და სხვა ხარჯების შემცირებაც, რამაც საერთო ჯამში 2 138 000 ლარი შეადგინა, ეს თანხა მიემართეთ რეგიონული ინფრასტრუქტურული პროექტების თანადაფინანსებისათვის. როდესაც შევადგინე რეორგანიზაციის პროექტი, დაახლოებით 70 თანამშრომელი უნდა შეემცირებინათ. არ ვიცი, თანამშრომლების შემცირება მოხდა თუ ხელფასების, ეს უკვე ჩემს კომპეტენციაში არ შედის“.

**გაზეთი „მთავარი თემა სამეგრელოში“, ახსნავს კონკურსს ქალბატონებისათვის
სახელწოდებით
„ნარკოტიკული ქალი 2017“**

**კვირფასო ფოთელაგო ჩვენი გაზეთის მეშვეობით გაქვართ შესაქმავლობა თემად აირჩიოთ ნარკოტიკული ქალი. ამისთვის
ბთსოვით მოგვანოდოთ ინფორმაცია იმ ქალბატონების შესახებ, ვინც ნებისმიერ სურათში ნარკოტიკული საქმეებით გამოირჩევიან.
ჩრეულთა კანდიდატები შეგიძლიათ მოგვანოდოთ რაღაცსიათ, ან ლაგვირკაით, გამოგვიგზავნეთ ელქატრონულ ფოსტაზე:**

mtavarisamegrelshi@gmail.com

**ნარკოტიკული კანდიდატების შარჩევა მოხლავა კონკურსის სახით. გაზეთში ლაგვირკული სავსილური ბლანის მეშვეობით
გამოვლინლავა ნარკოტიკული ქალი.**

აგავრად ბთავაოვით ეთილ ქალბატონ მანანა ლომაქს

**მანანა ლომაქე: „ბედნიერი ვარ, როცა პაციენტი
ქარგად ხლავა“**

ექიმი მანანა ლომაქე 1962 წელს დაიბადა. სამედიცინო ინსტიტუტი მოლდავეთის დედაქალაქ კიშინიოვში დაამთავრა. სწავლის პერიოდშივე დაქორწინდა თემურ ლომაქეზე, რომელიც ექიმ-ტრამვატოლოგი გახლავთ. ექიმ წვეილს ორი შვილი ჰყავთ, რომლებიც ოჯახის ტრადიციას არ არღვევენ და მომავალი ექიმები არიან, ასევე ყავთ ერთი შვილიშვილი, რომლის მომავალ პროფესიაზე ჯერ საუბარი ნაადრევია, მაგრამ ალბათ ტრადიციას არ დარღვევს.

მანანა ლომაქემ ინსტიტუტის დამთავრებისთანავე მუშაობა ფოთის სასწრაფოში დაიწყო. შემდეგ 1 პოლიკლინიკაში ნევროლოგად გადავიდა, სადაც 23 წელი იმუშავა. პოლიკლინიკიდან რამდენიმე წლის წინ წამოვიდა, რაზეც საუბარი არ უყვარს. პარალელურად სასწრაფოს ექიმც გახლდათ და გასული წლის ავადმოსაგონარი ავტოკატასტროფის დროს მიღებული ტრამეის გამო მოუწია ამ სამსახურის მიტოვება. ამ ავტოკატასტროფის დროს სასწრაფოს საგზაო შემთხვევაში დაშავებული პაციენტი ფოთის საავადმყოფოში გადმოყავდა, გზაში თავად მოხვდა კატასტროფაში, რის დროსაც პაციენტი დაიღუპა. ცხოვრების ეს ეპიზოდი ძალიან მძიმე მოსაგონარია ექიმისთვის. ამჟამად კლინიკა „იკამედში“ მუშაობს და როგორც ამბობს, ყველა პირთა აქვს პაციენტებს მაღალკვალიფიციურად მოემსახუროს: „აქ ვმუშაობ მშვიდად, კომფორტულად, რაც იმას ნიშნავს, რომ ყველანაირი სამუშაო პირთა მაქვს, რაც ექიმს პაციენტთან ურთიერთობისათვის ჭირდება. პროფესია ძალიან რთულია, ყველა პაციენტი ინდივიდუალურია. განსაკუთრებით

ბოლო პერიოდში გაზრდილია პაციენტთა რაოდენობა და ძალიან მაწუხებს, რომ გაზრდილია ახალგაზრდების მომართვიანობა. პაციენტთა უმრავლესობას ნევროზი აქვს“.

ექიმი წუხს, რომ ექიმის მიმართ შეიცვალა მინდგომა, პაციენტები აგრესიული გახლენ: „ექიმიც აღამიანია და არა რობოტი. შვეულდებაში როდის ვიყავი, უკვე აღარ მახსოვს. ოჯახში ორი ექიმი ვართ და სახლში როდის შევედვართ, ვინ იცის. ჩემი ქალიშვილი მომავალი ექიმია, ერთი მხრივ მიხარია, რომ ტრადიციას აგრძელებს, მაგრამ არ მინდოდა ექიმი გამხდარიყო, ეს იმდენად რთული და საპასუხისმგებლო პროფესიაა“. როგორც ქალბატონი მანანა ამბობს, ექიმისთვის ბედნიერებაა, როდესაც პაციენტი გამოჯანმრთელდება და მკურნალობა შედეგისადა აღმოჩნდება. ამ მხრივ განსაკუთრებული მოგონებები სასწრაფოში მუშაობის პერიოდს უკავშირდება: „მძიმე პაციენტს მდგომარეობიდან რომ გამოიყვან და გადაარჩენ, ეს ჩემი აზრით, ყველა ექიმისათვის ბედნიერებაა. რა თქმა უნდა, ბედნიერი ვარ, როცა პაციენტი ამბობს - კარგად ვარ და მადლობას გიხდის. ალბათ ასეთმა დაბაბულმა ცხოვრებამ მოიტანა, რომ აგრესიულები არიან პაციენტები, მაგრამ ყველაფერი ცუდი ადრე თუ გვიან მთავრდება და ჩვენი ხალხიც დაიბრუნებს ჩვეულ ზრდილობას და უფრო ჯანმრთელებიც იქნებიან“.

მისი კარგი და ცუდი მოგონებები სასწრაფოში მუშაობას უკავშირდება. ორჯერ სასწრაფო მანქანით მოყვა ავარიაში. პირველად არ დაშავებულია: „როგორც კი გადმოვი-



დი მანქანიდან, მაშინვე გამგლევი მანქანა გაგანერე და ნაბადაში პაციენტთან წავეანა ვთხოვე, დღესაც არ ვიცი, ვინ იყო ის პირთევა, მაგრამ ნამდვილად გულისხმიერი აღამიანი აღმოჩნდა. განსაკუთრებით მძიმე აღმოჩნდა მეორე ავარია, როდესაც გრიგოლეთში სამარშუტო ტაქსი და მსუბუქი მანქანა შეეჯახა ერთმანეთს, ერთ-ერთი დაშავებული მოგეყავდა ჩვენ, როდესაც კრიმინალური პოლიციის მანქანა დაგვეჯახა. მძიმე იყო იმითაც, რომ თავად ძალიან დაგვეავდი და სამწუხაროდ პაციენტიც დაიღუპა. კურიოზიც მრავალადა ამ პროფესიაში, როდესაც მიღხარ, ხშირად დედის გინებით გხვდებიან და „შენ გენაცვალეთი“ გაცილებენ“.

2008 წლის ომის დროს, ფოთის დაბობმვის დამეს მორიგე და ბრიგადის უფროსი იყო: „ყველაფერმა ჩემს თვალწინ და ჩემს თავზე გადაიარა. მთავარმა ექიმმა ლევან კაკულიამ მადლობაც კი გადამიხადა მუშაობისათვის“.

მანანა ლომაქის აზრით ექიმის პროფესია დაუფასებელია მინიმალური ხელფასით და მაქსიმალური პროფესიონალიზმით. ამ აღამიანებსაც სჭირდებათ მოფერება, რომ შეინარჩუნონ ნერვები - „ყველაფერს აქვს ზღვარი, ძალიან ცუდ დღეში ვართ ექიმები“ - ამბობს ნერვოპათოლოგი.

მანანა ლომაქე უკვე 28 წელია ემსახურება პაციენტებს და ხუმრობს ხოლმე - „ჩაქუჩის გარეშე არ შემოიღია“.

სიხლუ ფინკა ბანკში - ყველა დისტანციური საბანკო მომსახურება ერთის ფასად!

ფინკა ბანკი განავრძობს მომხმარებლებისთვის განახლებული პროდუქტების და სერვისების შეთავაზებას. ამჯერად, ბანკი პაკეტური შეთავაზების სახით მომხმარებელს სხვადასხვა დისტანციურ პროდუქტსა და სერვისებს ერთის ფასად სთავაზობს. პაკეტური

შეთავაზება „ონლაინ“ და „ონლაინ+“ მოიცავს შემდეგი საბანკო პროდუქტსა და მომსახურებას: VISA ELECTRON ან VISA CLASSIC ბარათი, ინტერნეტბანკინგი, ტელეფონ ბანკინგი, SMS მომსახურება, ავტომატური დავალება და ა.შ.

პაკეტური შეთავაზება ახალი შესაძლებლობაა,

რომ მომხმარებელმა დისტანციურად, მარტივად მართოს საბანკო ანგარიშები და განახორციელოს ნებისმიერი სახის ფინანსური ოპერაციები.

თამარ სოფრომაძე, საცალო საბანკო მომსახურების დეპარტამენტის უფროსი

„პაკეტური შეთავაზების შექმნის მიზანი იყო

მომხმარებლებისათვის გაგვემარტივებინა ბანკთან ურთიერთობა, მიგვეწოდებინა სრული საბანკო სერვისები დისტანციური არხების საშუალებით, რაც დაზოგავს მომხმარებლების დროს და მომსახურების პროცესს უფრო ეფექტურსა და კომფორტულს ხდის. აღსანიშნავია, რომ საბანკო მომსახურების არხების შემთხვევაში,



თამარ სოფრომაძე, საცალო საბანკო მომსახურების დეპარტამენტის უფროსი

მომხმარებელი ზოგავს არამარტო დროს, არამედ ფულსაც, ვინაიდან რამდენიმე საბანკო პროდუქტით ერთდროულად სარგებლობს და იხდის მხოლოდ ერთის საფასურს. დისტანციური არხების გამოყენება მომხმარებლებისათვის კომფორტული და მომგებიანია“.

ფინკა ბანკის საბანკო პროდუქტებისა და სერვისების შესახებ დამატებითი ინფორმაციის მიღება შესაძლებელია ფინკა ბანკის სერვის ცენტრებში, ვებ გვერდზე www.FINCA.ge და ასევე, ცხელი ხაზის საშუალებით 24 საათის განმავლობაში 2 24 4949

ისარგებლეთ ფინკა ბანკის დისტანციური მომსახურებით და დაზოგეთ დრო!

FINCA Bank
ფინკა ბანკი

www.FINCA.GE

ფოთელი ხელბურთელები - პერსონის პრიზიორები

შარშანდელი სპორტული შედეგი გაუმჯობესებულია. 2016-2017 წლის საქართველოს ჩემპიონატი 2000-01 წლებში დაბადებულ ვაჟ ხელბურთელთა გუნდებს შორის დასრულდა მეორე საპრიზო ადგილით. დაძაბულ პლეი-ოფის მატჩებში, სადაც 6-მა უძლიერესმა გუნდმა მოიყარა თავი, „ოქროს ვერძ“-მა დაამარცხა თბილისის „ქარიშხალი“, რუსთავის, სამტრედიისა და წყალტუბოს გუნდები, ფინალში კი დამარცხდა თბილისის „პეგასთან“, რომლის ძირითადი ბირთვი საქართველოს ნაკრების შემადგენლობაშია. მიუხედავად, გუნდის კაპიტნის და ერთ-ერთი ლიდერის საბა შარტავას მძიმე ტრავმისა, (შარშანდელი, ქალაქის საუკეთესო სპორტსმენთა ათეულის ნომინანტი), რომელიც მან წყალტუბოსთან თამაშის დროს მიიღო, გუნდმა მაინც შეძლო არა თუ მოიბიჯებდა, არამედ შარშანდელი შედეგის გაუმჯობესებაც. წარმატებაში მნიშვნელოვანი წვლილი შეიტანეს: თეზიკო ბუღალავამ, ნიკა ჟვანიამ, ილია ნოღაიდელმა, დავით ფანცულაიამ, რეზი დიდიამ, გივიცხვარაძემ, თომა პაჭკორიამ, ლუკა ცირდავამ.

ჩვენი გუნდის კარის ღირსებას წარმატებით იცავდნენ ბექა კეკუა და ლაშა ფაჩულია. წარმატებული გუნდის წარმატებული მწვრთნელები თემურ ჭანტურია და გელა ჟვანია გახლავთ. გუნდს გულშემოყრის მადლიანი ფოთელი სტუდენტები.

უახლოეს დღეებში კლუბის ხელმძღვანელობა გუნდს წარადგენს მერიის მიერ დაწესებულ პრემიაზე სპორტსმენთა წახალისების მიზნით.

გუნდის ერთ-ერთი ლიდერი ნიკა ჟვანია 9- 17 აპრილს საფრანგეთში მონაწილეობას მიიღებს საერთაშორისო ტურნირზე, საქართველოს ნაკრები გუნდის შემადგენლობაში.



სპორტი რეგიონალური პირველობა გეზრბენში

6 აპრილს ზუგდიდში გაიმართა სასკოლო სპორტული ოლიმპიადის პროგრამით გათვალისწინებული რეგიონალური პირველობა გეზრბენში (გოგონები, ვაჟები). პირველობაზე მონაწილეობა მიიღო სამეგრელო-ზემო სვანეთის 10-მა საჯარო სკოლამ: წალენჯიხის, აბაშის, ჩხოროწყუს, მესტიის, სენაკის, ხობის, მარტვილის, ზუგდიდის როგორც ქალაქის, აგრეთვე რაიონის საჯარო სკოლების გუნდებმა. ჩვენი ქალაქიდან მონაწილეობას ღებულობდნენ მე-4 საჯარო სკოლის გოგონებისა და მე-6 საჯარო სკოლის ვაჟების გუნდი.

ფოთელთა სასახელოდ უნდა ითქვას, რომ გოგონებმა მოიპოვეს II საპრიზო ადგილი - დირექტორი გივი ხომერიკი, სპორტის მასწავლებლები: თამარ ბახტაძე და მარინა ტყეშელაშვილი; მოსწავლეები: კარინა ფოქშა, ელენე წუბინიძე და ლილია სულაბერიძე, ხოლო ვაჟებს შორის პირველობა არავის დაუთმეს მე-6 საჯარო სკოლის მოსწავლეებმა - საბა ხვინავამ, ნიკო ჩავანავამ და ანრი ტაკიძემ, რომლებმაც პირველობა გადაკვეთეს ფინიშის ხაზი და მოიპოვეს ზონალურ პირველობაზე მონაწილეობის მიღების უფლება - სკოლის დირექტორი თამაზ პაჭკორია და სპორტის მასწავლებელი მალხაზ კუხიანიძე.



რეგიონალური პირველობების ნილისყრა

6 აპრილს ზუგდიდში ჩატარდა სასკოლო სპორტული ოლიმპიადის პროგრამით გათვალისწინებული რეგიონალური პირველობების წილისყრა სახელობათა მიხედვით.

წილისყრის შედეგად გუნდები დაწვეილდნენ სახელობათა მიხედვით შემდეგი თანმიმდევრობით: მინი კალათბურთი (გოგონები, ვაჟები) რეგიონალური პირველობა ჩატარდება 19 აპრილს ქალაქ ფოთში, საკალათბურთო დარბაზში. გოგონებში 15 საჯარო სკოლის მეტოქე იქნება წალენჯიხის საჯარო სკოლის ნაკრები გუნდი, ხოლო ვაჟებში 5 საჯარო სკოლის მეტოქე გახლავთ ზუგდიდის ქალაქის საჯარო სკოლის ნაკრები გუნდი.

მინი ფეხბურთი (ვაჟები) გაიმართება 22 აპრილს, ზუგდიდში და მე-15 საჯარო სკოლის მეტოქე იქნება აბაშის საჯარო სკოლის გუნდი.

რაც შეეხება ხელბურთის ასპარეზობას გოგონებსა და ვაჟებს შორის, გოგონებში მე-2 საჯარო სკოლის მეტოქე გახლავთ სენაკის საჯარო სკოლის გუნდი, ხოლო ვაჟებში მე-2 საჯარო სკოლის მოსწავლეები იასპარეზებენ მარტვილის საჯარო სკოლის გუნდთან. ასპარეზობა გაიმართება 25 აპრილს, ზუგდიდში.



საქართველოს საგაზაფხულო პირველობა კალაშიურ ნიზოსნობაში

რამდენიმე დღის წინ ფოთში მდინარე კაპარტაზე ჩატარდა საქართველოს საგაზაფხულო პირველობა, სადაც ფოთის აკადემიური ნიზოსნობის გუნდმა ბრწყინვალედ იასპარეზა და დაიკავა გუნდური პირველი ადგილი. მათ მოიპოვეს 6 ოქროს მედალი, 6 ვერცხლის მედალი და 1 ბრინჯაოსი.

დიდები, ერთადგილიანი წვეილმოსასმელიანი ნავი, 2000 მ. ლევან ბირკაია - I ადგილი, 1999-2000 წ.წ. ერთადგილიანი წვეილმოსასმელიანი ნავი, 2000 მ. ზურაბ კინტირაია - I ადგილი, ზაურ ჩერნიშოვი - III ადგილი 2002-2004 წ.წ. ერთადგილიანი წვეილმოსასმელიანი ნავი, 1000 მ. ბექა შელია - II ადგილი.

1999-2001 წ.წ. გოგონები, ერთადგილიანი წვეილმოსასმელიანი ნავი, 2000 მ. თამარ მიქაძე - II ადგილი 2005-2006 წ.წ. ერთადგილიანი წვეილმოსასმელიანი ნავი, 500 მ. ამირან მარგალიტაძე - I ადგილი 2001-2002 წ.წ. გოგონები, ერთადგილიანი წვეილმოსასმელიანი ნავი, 1000 მ. თამარ რუხაძე - II ადგილი 1991-2001 ორადგილიანი წვეილმოსასმელიანი ნავი, 2000 მ. ზურაბ კინტირაია, ზაურ ჩერნიშოვი - I ადგილი დიდები, ორადგილიანი გასაშლელი ნავი, 2000 მ. გიორგი გოგია, გიგა ანჯაფარაძე - II ადგილი 1999-2001 წ.წ. გოგონები, ორადგილიანი წვეილმოსასმელიანი ნავი, 2000 მ. თამარ მიქაძე, თამარ რუხაძე - II ადგილი 2002-2004 წ.წ. ორადგილიანი წვეილმოსასმელიანი ნავი, 1000 მ. ბექა შელია, ამირან მარგალიტაძე - I ადგილი 2005-2006 წ.წ. ორადგილიანი წვეილმოსასმელიანი ნავი, 500 მ. ლაშა ბურკვაძე, კახა გოგია - I ადგილი დიდები, ორადგილიანი წვეილმოსასმელიანი ნავი, 2000 მ. ლევან ბირკაია, არჩილ ბაიაშვილი - II ადგილი.



რატომ გვირჩევან ჯიშები დიდი ოდენობით გომრის ჭამას და რას უწყობს ხელს ეს უგემრიელესი პროდუქტი



მეცნიერული კვლევის შედეგად დადასტურებულია, რომ ვიტამინი "A" აუცილებელია ადამიანის უჯრედების ნორმალური ფუნქციონირებისთვის. ის აქტიურადაა ჩართული კანის, ღორწოვანი გარსის, დასუსტებული ძელების განახლებაში. დაზუსტებულია, რომ ვიტამინი ძალიან უწყობს ხელს იმუნური სისტემის ფუნქციონირებას. როგორც წყარო წერს, ამ ვიტამინის დეფიციტს განიცდის რუსეთის მოსახლეობის დიდი ნაწილი, რაც გამოიკვეთება მშრალი და უხეში კანის არსებობაში, ფრხილდების სისუსტეში. ვიტამინი ეხმარება ადამიანს გაუმკლავდეს სხვადასხვა დაავადებებს და სწორედ ამიტომ ექიმები ურჩევენ პაციენტებს, დიდი რაოდენობით მიირთვან ის პროდუქტები, რომლებიც ამ ვიტამინს შეიცავენ. დადასტურებულია, რომ სწორედ გოგრა ყველაზე მეტი რაოდენობით შეიცავს ვიტამინს.

მაშ ასე: წარმოვიდგინოთ იმ პროდუქტების ჩამონათვალი, რომელიც "A" ვიტამინს შეიცავს:
1) ქათმის ღვიძლი; 2) ძროხის ხორცი; 3) სტაფილო; 4) მწვანე ხახვი;
5) ისპანახი; 6) გარგარი; 7) საღათის ფოთლები; 8) კვერცხი; 9) კარაქი;
10) "A" ვიტამინს ყველაზე დიდი ოდენობით გოგრა შეიცავს და ამიტომაცაა, რომ პედიატრები მშობლებს 6 თვიდან უკვე პატარებში ამ უგემრიელესი ხილის მიერთმევას ურჩევენ, რაც შეიძლება ხშირად კვებონ პატარები გოგრით, რომლის სეზონიც შემოდგომაა და რომელიც საქართველოს თითქმის ყველა კუთხეში ხარობს. თუმცა გოგრის ყოველდღიურად ჭამა საშუალო ასაკშიც რეკომენდირებულია, რამდენადაც ძელებს ამარტებს და ეხმარება ადამიანს იმუნური სისტემის გაჯანსაღებაში. გვთავაზობენ გოგრისგან მომზადებულ კერძებს, მაგალითისთვის საკმარისია გამსინჯოთ მოხარშულ გოგრაში ჩადებული ყველის ან სულგუნის მოზრდილი ნაჭერი, კიდევ გოგრა ტკბილი ფლავით ან ხორცის ფარშით გამოტენილი.

ნებისმიერმა შეუვალი იყოს, რისთვის უნდა ჩავარჭოთ ასანთის ღერი ოთახის მცენარის ქოთანში!

ოთახის მცენარეები საცხოვრებელს არა მხოლოდ მყუდროებას მატებენ, არამედ შენობაში ჟანგბადის შემცველობას ზრდიან. სამწუხაროდ, ხანდახან მცენარეები ჭკნება სხვადასხვა მიზეზის გამო, როგორც კარგადაც არ უნდა უვლიდეთ. ერთ-ერთი მიზეზი, შესაძლოა, პარაზიტები იყოს, რომელთა დანახვა შეუიარაღებელი თვალით შეუძლებელია. საბედნიეროდ, არსებობს ერთი მარტივი საშუალება, რომლის დახმარებითაც შესაძლებელია პარაზიტებისგან გათავისუფლება. მის შესასრულებლად საკმარისია ასანთის რამდენიმე ღერი. ჩაარჭვეთ გოგირდის თავით ასანთის ღერი მიწაში ქოთანის კედლიდან 5 სმ-ის დაშორებით და მორწყეთ ყვაილები. 2 დღეში ასანთის ღერი ახლით შეცვალებს, კიდევ 2 დღის შემდეგ კი პარაზიტები გაქრება. არ არის აუცილებელი, ყვაილები მორწყათ ინსექტიციდებით! ფოსფორი და გოგირდი, რომელთაც ასანთის თავები შეიცავს, ნიადაგში კარგად იხსნება და საგულდაგულოდ აცილებს მცენარეს დაუპატიუებელ სტუმრებს.



იყილა

ფოთლი იყილა 62 კვმ ფართი, როველიც გამომდებია როგორც საოფისად, ისა სასსოვრებად ბინად, ნომრად ნომრს 32 ტელ: 595 75 98 58 6160

ფოთლი იყილა ერთოთახიანი სასსოვრებადი ბინა ჯიქიანს №9, 3-ე სართულზე, მოშენების პერსპექტივით. ფასი შეთანხმებით. ტელ: 568 42 14 57 ჯემალი, 579 70 65 34 ანა

<p>გაზეთის ხელმოწერა საყურადღებოდ!</p> <p>ერთი ნომრის ღირებულება ორგანიზაციებისთვის</p> <p>1 წლით - 50 ლარი</p> <p>6 თვით - 25 ლარი</p> <p>3 თვით - 12,50 ლარი</p> <p>კარდაკარის პრინციპით გაზეთის გამოწერა მოქალაქეებისთვის</p> <p>3 თვით - 6 ლარი</p> <p>იკითხეთ გაზეთი თემატიკური</p>	<p>გაზეთი „მთავარი თემა სამეგრელოში“ სამუშაოდ იწვევს სამეგრელოს რეგიონიდან ყველა ასაკის მქონე ადამიანებს გაზეთის გამავრცელებლად და სარეკლამო აგენტებად კანდიდატების შერჩევა მოხდება გასაუბრებით. მოგვმართეთ შედეგ მისამართზე: ფოთი ნ.მ. ნინოს ქუჩა 3/19 ტელეფონი: 599 34 14 17</p>	<p>გაზეთი „მთავარი თემა სამეგრელოში“ სტაჟირებაზე იწვევს სტუდენტებს, ახალგაზრდებს რომელთაც სურთ მიიღონ გამოცდილება ქურნალისტიკაში წარმატებული სტაჟირობები დასაქმდებიან გაზეთში. დაინტერესებულმა პირებმა მოგვმართეთ მისამართზე: ფოთი ნ.მ. ნინოს ქუჩა 3/19 ტელ: 599 34 14 17</p>
--	--	---

ისარგებლეთ გაზეთი "მთავარი თემა სამეგრელოში" შედეგითიანი მომსახურებით, განათავსეთ გაზეთი განსხვავებული რაოდენობით, მიღოსვანი. ოჯახის საგლოვარი განსხვავებული მიღოსვა - ჩვეულებრივი შრიფტით - ერთი ასო 5 თეთრი, სქელი შრიფტით - 7 თეთრი, პირველ გვერდზე - ორგანიზაციის, სურათიანი განსხვავებული: საგლოვარი - 15 ლარი, მიღოსვა - 10 ლარი, არაპოლიტიკური რაოდენობა: მესამე გვერდზე - მთლიანი გვ. (100სმ2) - 150 ლარი, ნახევარი (500 სმ2) - 75 ლარი; მეოთხედი (250სმ2) - 37.50 ლარი; მეხუთე გვერდზე: მთლიანი გვ. - 130 ლარი; ნახევარი - 65 ლარი; მეოთხედი 32.50 ლარი. პირველ გვერდზე რაოდენობა ხუთჯერ კვირია, ვიდრე მესამე გვერდზე, ბოლოზე - სამჯერ კვირია ვიდრე მესამე გვერდზე. პოლიტიკური რაოდენობის ღირებულება ორგანიზაციის მხარდაჭერად რაოდენობა და ხელმოწერაზე გათვალისწინებული ფასდაკლება. გაზეთის გამოცემის მსურველებმა მიმართეთ სამეგრელოს რეგიონალური გამოსაქმის ოფისს. ქ. ფოთი, ნ.მ. ნინოს ქ. 3/2 ტელ: 0(493) 22-40-50; 5(99) 34 14 17.

თემატიკური თქვენი პრობლემების კვლადაკვალ

ნიშნით აღნიშნული სტატიები იბეჭდება რეკლამის უფლებით.